

受者明慎奉行

太真玉帝四極明科經卷之二

兩六

太玄下宮女青四極明科律文

白帝玉司君姓王諱玄度衣素華明光白錦之衣七色鳳章頭戴飛精曜天寶冠手執七色之節治西明之野洞天太玄都女青下宮領西嶽華陰仙官地靈水精白庚之兵西極無崖之天無鞅數劫無窮無極之官總統上真之格悉隸於白帝玉司之君主人生死之命知其名存其神修行九年致素雲飛與來迎兆身上昇玄官

太玄都四極明科曰左乙混洞東蒙之錄右收攝殺之律二訣上清之威章三天玉童所佩於上皇先生太素三元君舊科七千年有神仙圖錄骨氣合真聽得三傳盟信青繒九十尺金鈕三雙弟子師對齋九十日北向告盟而付玉童玉女各十二人侍衛典經若七百年之中有其人聽得一傳不過三愆盟違信三犯廢功斷事萬不得仙五犯七祖父母為右官所執己身為左官所考充刀山食火二十四獄三塗五苦之罰三掠乃過長充鬼

後玄都下宮女青律文受者明慎奉行

太玄都四極明科曰神虎玉經金虎鳳文上清內經黃庭玉景內經四卷出於太帝自然之章傳於玄古先生上皇真人太上道君玉精真人扶桑暘谷神王金闕帝君上相青童君舊科七千年三傳有紫名東華錄字上清依盟資金鈕九雙鳳文之羅九十九玄雲之錦四十尺金魚玉龍各一枚師弟子對齋九十日或三十日北向告盟而傳侍經玉童玉女各二十四人若干日有其人聽得一傳無其人萬劫勿宣愆盟違信三犯廢功斷事不得又仙五犯七祖父母為右官所考己身為左官所考罰以刀山大鄉二十四獄三掠乃過還長充鬼役負石填河玄都下宮女青律文受者明慎奉行

太玄都四極明科曰九道迴玄太丹錄書玉道錄字迴曜太真隱書二訣元始天王所修傳於三天真王太上大道君太帝天帝太微天帝君上元禁君三元夫人西王母赤精真人所受舊科萬劫一傳若有玄圖紫簡名參

太真玉帝四極明科經卷之一

青官依盟費丹紋八十尺金龍玉魚各一枚  
 青繒三十二尺師弟子對齋七十日北向告  
 盟授侍經玉童玉女各十人若七百年內有  
 其人聽得三傳自無其分萬劫勿宣愆盟負  
 科一犯廢功斷事不得又仙三犯七祖被右  
 官所考已身充左官所考登刀山入火啖炭  
 十四獄三塗五苦之難三掠乃過還充幽夜  
 無極鬼役太玄下宮女青律文受者明慎奉  
 行

太玄都四極明科曰三華寶曜瓊文琅書靈  
 耀上錄七晨素經凡三訣太真丈人所修以  
 傳付太上大道君東海小童金闕帝君上相  
 青童君青科萬年一傳若有金骨玉藏名書  
 帝簡依盟賞金魚玉龍各一枚紫紋四十尺  
 飛雲之錦二十二尺真珠一斤師弟子對齋  
 六十日或三十日北向告盟而授侍經玉童  
 玉女各二十四人若七百年內有其人聽得  
 三傳自無其人萬劫勿宣愆盟負信二犯廢  
 功斷事不得又仙四犯以上七祖父母被右  
 官所考已身充左官所考登刀山入火啖炭

地獄三塗五苦之中三掠乃過還充幽夜無  
 極之役太玄下宮女青律文受者明慎奉行  
 太玄都四極明科曰上清隱書龍文八靈真  
 經二訣九天真王所修自然之章以傳紫清  
 先生上皇真人太帝天帝太微天帝君三元  
 君西王母金闕帝君東海小童舊科萬劫一  
 傳若名書玉札紫字上清當依盟信青鳳文  
 之羅百尺上金十兩盟誓九天師弟子對齋  
 五十日北向告盟而傳侍經玉童玉女各三  
 十六人若千年內有其人聽得三傳自無其  
 分萬年勿泄愆盟負誓一犯廢功斷事不得  
 又仙三犯以上七祖充右官之考已身充左  
 官之考登刀山入火啖炭地獄三塗五苦  
 之難三掠得充負石填河之役太玄下宮女  
 青律文受者明慎奉行

太玄都四極明科曰玉清神虎內真紫文丹  
 章三訣玉清紫晨君所修自然之章以傳太  
 上大道君上元禁君明皇玉帝二十四真舊  
 科萬劫一傳若有玄名玉清丹字帝札千年  
 內聽得三傳盟信紫紋五十尺絳羅三十尺

金魚玉龍各一枚師弟子對齋三十日北向  
 告盟而傳給玉童玉女各十人不得愆盟負  
 信三犯廢功斷事不得又仙五犯七祖父母  
 已身並被左右官所考充刀山食火二十四  
 獄三塗五苦三掠乃過還充負石填河之役  
 玄都下宮女青律文受者明慎奉行

太玄都四極明科曰玉清隱書四卷八訣玉  
 清元皇帝君所修檢鬼制神寶章以傳安陽  
 君上元夫人西王母清靈上宮金闕帝君舊  
 科七千年三傳若有五名東華紫字上清三  
 百年內聽得三傳盟金魚玉龍各一枚紫紋  
 一百二十尺以誓北帝師弟子對齋二十七  
 日北向告盟而傳給玉童玉女各四人不得  
 愆盟負科三犯廢功斷事不得又仙五犯以  
 上七祖及已身並被左右官之考死充刀山  
 食火地獄之中萬劫得還下鬼之役玄都下  
 宮女青律文受者明慎奉行  
 太玄都四極明科曰司命君經宿命清圖上  
 皇民籍定真玉錄三天正一先生所佩以定  
 得仙之名傳於玉帝三十九真各一通西王

1002 14 5 1074

母上元夫人清虛真人五嶽真仙各一通舊科千年三傳若有金名玉字奏札青宮者百年內聽得三傳盟金魚玉龍各一枚青布三十二尺以普北帝師弟子各齋九日北向告盟而傳給玉童玉女各二人不得愆盟負誓五犯斷功行事不得學仙十犯身入地獄五苦之中三掠還生不人之道玄都下宮女青律文受者明慎奉行

太玄都四極明科曰金書秘字上元真書二卷青真小童君所修以傳太極真人清虛真人南嶽赤松劉子先舊科七千年三傳若有金名玉字書於帝錄七百年內聽得頓傳盟信上金八兩青紋四十四尺以普太真師及弟子對齋九日告盟而傳給玉童玉女各十人不得愆盟負信三犯廢功斷事不得又仙五犯七祖及己身並充左右官考乃山食大地獄三塗五苦之中萬劫還生不人之道太玄下宮女青律文受者明慎奉行  
太玄都四極明科曰太清其經丹字紫書三卷五順行凡三訣東海小童所修其文秘在玉

京西室瓊門之內幼陽君封一通於陽洛山中有金名東華玄字紫庭當得此文舊科萬劫一傳若有其人七百年內聽得三傳盟用白銀二十四兩上金五兩青錦四十尺師弟子對齋百日北向告盟而傳者立致飛行給玉童玉女二十四人違科犯約身及七祖並被左右官考充乃山咬火二十四獄三塗五苦之中三掠得還長充負石填河之役下宮女青律文受者明慎奉行

太玄都四極明科曰紫微始青道經卷元上錄北斗真經中命四旋經太素玉錄寶玄上經凡六卷玉晨君所修五帝神訣秘於素靈上宮大有之房舊科七千年三傳有骨合仙之人若名書帝簡錄字上清得受此文依盟賞黃紋四十四尺青縉二十二尺金鈕三雙師弟子對齋九日告誓而傳得者能飛行太空能隱能藏百年內有其人亦聽傳給玉童玉女各二人違盟愆信三犯斷事不得又仙五犯在官執考充地獄三塗之役萬劫得生不人之道玄都下宮女青律文受者明慎奉行

行

太玄都四極明科曰太微黃書八卷太微天帝君所修秘於玄都玉房之內仙童玉女三百人侍衛燒香傳於紫微夫人上元禁君太素三元君今封一通於西城山中舊科八千年一傳若有金名青宮錄字帝籍者七百年內聽得三傳盟信上金八兩黃縉八十尺金鈕八雙以代割髮之盟弟子共齋九十日或三十日北向告盟結帶而傳給玉童玉女各八人愆盟違信一犯廢功斷事不得又仙三犯七祖己身並充左右二官之考死復乃山食火二十四獄三塗五苦三掠乃過還充負石填河之役玄都下宮女青律文受者明慎奉行

太玄都四極明科曰三元流珠經玉帝九錄上真八道命籍金仙紫字凡四訣八卷太素三元君受於自然之章封於太上靈都紫房之內金童玉女三百人侍衛典香傳東海小童四極真人西城王君今封一通於峨嵋山曲室之中舊科萬劫一傳若有玄名帝簡紫

字青宮玉藏之人千年之內聽得三傳盟金魚玉龍各一枚鳳文之羅玄雲之錦各六尺師弟子各齋九日告盟而傳給玉童玉女各十二人愆盟犯律一犯至三伐功斷事不得又仙五犯禍及七祖己身悉充左右二官之考刀山噴火二十四獄三塗五苦之罰二掠還充負石填河之後玄都下宮女青律文受者明慎奉行

太玄都四極明科曰玉清洞元三氣金童太極錄景真經四卷二訣九天丈人所出傳於上皇先生太上大道君封於玉京紫府之內玉童玉女三十六人侍衛金闕帝君付西城王君今封一通於西城山中舊科萬劫一出若有玉骨紫藏名書青宮者三百年內聽得一傳盟金龍玉魚各一枚紫文五十五尺金錄一雙以誓玉帝師弟子對齋三十日告盟而傳給玉童玉女各十二人愆盟負科一犯伐功斷事三犯禍延七祖己身並充左右二官之考刀山食火之難二十四獄三塗五苦萬劫得還充負石填河之役玄都下宮女青律

文受者明慎奉行

太玄都四極明科曰上皇玉錄玉帝黃籙紫書三卷太真丈人所佩以傳文始先生萬聖太皇二十四真三十九帝悉佩此文金闕帝君今封於三元宮中青童君今封一通於玉

屋山中舊科萬劫一出有合真之名書希札錄字上清者千年聽得三傳盟信上金八兩青紋三十尺白絹五十八尺師弟子對齋各九十日告盟而傳給玉童玉女二十四人愆盟負誓一犯伐功斷事不得又仙三犯上延七祖己身並充左右二官之考刀山食火之難二十四獄三塗五苦萬劫得還充負石填河之役玄都下宮女青律文受者明慎奉行太玄都四極明科曰青牙始生經身景道精經還童採華法凡三卷西王母所修以傳大谷先生黃童真人谷希子太極真人今封一通於岱宗山中依科七千年三傳若有玄名紫簡當得此文百年內有其人亦聽三傳盟緯縉二十尺金錄三雙師弟子對齋三十四日告盟而傳給玉童玉女各二人愆盟負科

三犯伐功斷事不得又仙五犯身死經地獄五苦之中萬劫還生不人之道玄都下宮女青律文受者明慎奉行

太玄都四極明科曰金房度命玉字週年三華耀景真經九天真王所受空洞自然之訣秘於九天之上大有之宮金暎七寶之臺金仙玉童太華玉女各三百人燒香侍真上皇高聖玉帝萬仙太真太上大道君紫皇先生三元夫人西王母上元夫人天帝天帝君太微帝君金闕帝君上相青童太極真人並受於九天真王也此學士之本元求生之妙音徒入幽山斷殺絕根修造萬劫不見此文無損於神萬不成也言訣雖少所包者大故秘於九天不行於世舊科萬劫一傳有金名玉清紫字帝國玉藏金骨七百年內遇真便傳依盟上金八兩五色之羅各九十尺金錄五雙師弟子對齋九十日於絕巖之陽告日月傳給玉童玉女各三十六人得見此文即五獄司迎玉司列名不學自仙也違科負盟一犯伐功斷事萬不得仙三犯上延七祖己身

並被左右二官所考充役刀山食火二十四獄三塗五苦之責三掠乃過長充負石填河之後玄都下宮女青律文受者明慎奉行太玄都四極明科曰上清玉霞紫瑛內觀陸書青要帝君所受秘於紫微之宮三寶玄臺玉室之內侍衛玉童玉女各五百人太上大道君紫陽仙都四司五帝金闕上聖九玄帝君上相青童君所修西城真人封一通委羽山之洞大有空明之中舊科萬劫一出有紫籙金名列於帝國者七百年內遇其人聽得三傳盟紫文百尺青縉三十二尺金錄二雙告齋三境而傳之給玉童玉女三十四人得此文自有迴精面生紫容違科負盟一犯伐功斷事萬不得仙三犯上世七祖及己身同被左右二官所考充刀山食火二十四獄三塗五苦之中萬劫得過乃還長充負石填河之後玄都下宮女青律文受者明慎奉行太玄都四極明科曰解形遷變派景玉經九天始立玄文存焉元始丈人受於九玄之天傳於上皇先生高聖玉晨二十四帝太上天

道君上元禁君三元夫人紫微王母太素元君天帝天帝太微天帝君金闕帝君上相青童君青童君封一通崑崙之洞舊科萬劫一傳有金名玉宇骨應玄圖者千年有其人聽得三傳依盟用紫金十兩紫紋四十尺青縉四十尺金魚玉龍各一枚金錄二雙以盟九天師弟子對齋百日北向而傳給玉童玉女各十人得受此文立致萬變乘躡景飛行太虛遠盟負信一犯伐功斷事三犯七祖父母己身並充刀山火鄉二十四獄三塗五苦之難萬劫得還長充下鬼之後玄都下宮女青律文受者明慎奉行太玄都四極明科曰上清還晨歸童明暉中玄紫虛玉帝所受上玄虛生之章以傳三天玉童紫素元君封一通於峨嵋山舊科七千劫一出若有金名東華錄字上清者百年內遇其人聽得三傳盟信紫金五兩錦縉五十尺師弟子共齋九十日告北帝而傳給玉童玉女各十二人得此文自有迴精派光之童遠盟慈信一犯伐功斷事三犯上延七祖已

身並充左右二官之考刀山食火二十四獄三塗五苦萬劫長充下鬼負石填河之後玄都下宮女青律文受者明慎奉行太玄都四極明科曰紫鳳赤書八景晨圖二卷太上天道君所受付天帝君太微天帝君上元夫人太素三元君青童君封一通於委羽山之洞舊科七千年三傳若有金名東華錄字上清者百年內有其人聽傳盟信上金十兩金魚玉龍各一枚玉札一枚長一尺二寸以誓九天師弟子對齋九十日或三十日指北帝而傳給玉童玉女各十人得見此文則策龍駕虛上昇玉京七寶之臺違科犯戒為左右官所考延及七祖並充刀山食火之難二掠得還長充鬼役玄都下宮女青律文受者明慎奉行太玄都四極明科曰寶洞飛霄絕玄金章太上天道君所受封於玉京山峻嶒之臺九曲之房上宮玉女三百人侍衛燒香舊科七千年一傳若有金骨玉藏名余青宮者三百年內遇其人便傳盟用上金十兩白絹四十尺

金魚玉龍各一枚師弟子對齋二十七日指北帝而傳給玉童玉女各十人得有此文千魔摧伏萬精喪形違科犯戒三犯伐功斷事萬不得仙五犯考延七組己身並為左右一官所執充刀山火鄉二十四獄三塗五苦之中三掠選生不人之道玄都下宮女青律文受者明慎奉行

太玄都四極明科曰凡有上經玉清寶書皆玄挺應會骨相合仙當棄家放妻遊五嶽長壽山林精思苦念正中而陰素水單歌不勞苦寒晨夕無怠乃感帝皇玉司右別三元詣房三年當得策駕玄虛上昇太清若有輕慢穢忽靈文宣傳泄露使世見聞違盟負誓殃及七玄死寇及己並充左右二官考罰登刀山食火啖炭二十四獄三塗五苦之中萬劫得還長充鬼役負濛山之石以填積夜之河玄都下宮女青律文受者明慎奉行  
太玄都四極明科曰受上清寶經或因緣遇會得遭聖文未能棄累捨家入山故在世間心榮意敬志向玄靈感起一通別室供養朝

夕燒香出入禮拜如奉君父有事於它無不從心天遣玉童玉女侍衛此經察子之心歸情宗奉神自感真隨意所欲履災却患萬魔伏誠千精喪形富貴官位與隆求道得道求官得官子孫咸成金寶如林七年如法當具人降子房與神交接授子要言不學自成勞而仙故上學道處於三軍者也若遇而不受亦其運也受而不信將其命也信而不實真其罪也三者既同考延七玄己身被左右二官所考罰以刀山三塗五苦九厄八難萬劫得生不人之道玄都下宮女青律文受者明慎奉行

太真玉帝四極明科經卷二

太真玉帝四極明科經之三

兩七

太玄都左宮女青四極明科律文

赤帝玉司君姓王諱景度衣絳章單衣九色鳳章頭戴平天飛神玉冠手執九色之節治南朱陽之臺洞天太玄都女青左右領南嶽霍山仙官地靈水精赤丙之兵南極無崖之天無鞅數劫無窮無極之官總統上真之格悉隸於赤帝玉司之君主人生死之命知其名存其神修行九年致神草玉芝不死之藥丹霞紫雲下迎兆身上昇玉清宮

太玄都四極明科曰大洞真經三十九章高上九皇道君元始自然玉童一名太真道經一名三天龍書秘於高上大有之天九玄玉房之內侍經玉童玉女各三千人燒香衛靈傳於中央黃老君舊科萬劫一傳若有玄名帝圖紫簡綠字玉藏金骨之人千年內聽得三傳盟上金十兩網二十五斤金紐五雙金魚玉龍各一枚青熱一兩師弟子對齋百日或九十日三十日北向纏金紐告盟而傳金晨玉童二十四人西華玉女三十六人侍經

(03) A. 頁 15-4